



16. februar 2018

Inatsisartut suleriaasianni § 37, imm. 1 naapertorlugu apeqqutit uku Naalakkersuisunut apeqqutigaakka:

Naalakkersuisunut apeqqutit:

- 1. Suliffeqarfinnik unammilleqatigiinneq tunngavigalugu ingerlatsisunik, sinneqartoorutiminnilli sanngiinnerusunut suliffissanik pilersitsinermik atuisartunik erseqqissumik taaguuteqartoqarpa, Naalakkersuisullu suna atortarpaat?**
- 2. Suliffeqarfinnik unammilleqatigiinneq tunngavigalugu ingerlatsisunik, sinneqartoorutiminnilli sanngiinnerusunut suliffissanik pilersitsinermik atuisartunut sinaakutissanik pilersitsiniarnermut atatillugu Naalakkersuisut qanoq suliniuteqalersaarpat?**
- 3. Namminersortut suliffeqarfinnik unammilleqatigiinneq tunngavigalugu ingerlatsisunik, sinneqartoorutiminnilli sanngiinnerusunut suliffissanik pilersitsinermik atuisartunik aallartitsisinnaanerannut inatsisitigut naammattumik sinaakutissaqartoqarpa imaluunniit Suliffeqarfinnik unammilleqatigiinneq tunngavigalugu ingerlatsisunik, sinneqartoorutiminnilli sanngiinnerusunut suliffissanik pilersitsinermik atuisartunik pilersitsinissamut periarfissat annertusarniarlugit allatigut politikikkut suliniuteqartoqarpa?**
- 4. Suliffeqarfinnik unammilleqatigiinneq tunngavigalugu ingerlatsisunik, sinneqartoorutiminnilli sanngiinnerusunut suliffissanik pilersitsinermik atuisartunik kommunit qanoq iliorlutik siuarsaaqataasinnaappat?**
- 5. Suliffeqarfinnik unammilleqatigiinneq tunngavigalugu ingerlatsisunik, sinneqartoorutiminnilli sanngiinnerusunut suliffissanik pilersitsinermik atuisartunik aallartitserusullutik soqutiginnittunik, taakkulu sunik unammilligassaqarnerannik Naalakkersuisut ilisimasaqarpat?**

(Inatsisartunut ilaasortaq Aaja Chemnitz Larsen, Inuit Ataqatigiit)

Tunngavilersuut:

Inuit Ataqatigiit aallarnisaasarnermik namminersortullu iliuuseqarsinnaanerannik patajaallisaaqataajumapput. Inuiaqatigiinni suliniut pitsaalluinnartoq ilaatigut tassaavoq suliffeqarfinnik unammilleqatigiinneq tunngavigalugu ingerlatsisunik, sinneqartoorutiminnilli sanngiinnerusunut suliffissaannik pilersitsinermik atuisartunik aallartitsineq. Suliffeqarfinnik unammilleqatigiinneq tunngavigalugu ingerlatsisunik, sinneqartoorutiminnilli sanngiinnerusunut suliffissanik pilersitsinermik atuisartunik pilersitsinermi ilaatigut isumaginninnikkut inuiaqatigiillu unammilligassaannik aaqqeeqataanissamut suleqataajumanek siunertaavoq, peqatigisaanillu taana suliffeqarfittut allatulli ingerlanneqartarpoq. Assersuutigalugu cafe piffimmi suliffissaaleqisunik suliffissanik pilersitsisuusinnaavoq, caffémilu sulisut sulinermik sungiusartuusinnaapput. Periarfissaq alla tassaasinnaavoq suliffeqarfik sanaartortoq inuusuttunut ilinniarnermik ingerlatsinngitsunik periarfissiisoq, taannalu pequtinik atoqqitanik sanaartornermik suliaqarsinnaavoq. Aningaasat isertinneqartut suliffeqarfinnik unammilleqatigiinneq tunngavigalugu ingerlatsisunik, sinneqartoorutiminnilli sanngiinnerusunut suliffissanik pilersitsinermik atuisartumik inerisaaqqinnermi atorneqarsinnaapput.

INUIT ATAQTIGIIT

Inatsisartuni



Suliffeqarfinnik unammilleqatigiinneq tunngavigalugu ingerlatsisunik, sinneqartoorutiminnilli sanngiinnerusunut suliffissanik pilersitsinermik atuisartunik pilersitsineq piffimmi namminersortunik ikorfartuineruvoq, taamaalillunilu suliasat tamarmik pisortanit isumagineqarneq ajorput. Suliffeqarfinni unammilleqatigiinneq tunngavigalugu ingerlatsisuni, sinneqartoorutiminnik sanngiinnerusunut suliffissanik pilersitsinermik atuisartuni sulinermik sungiusarneq piviusorpalaarnerusumik pisittarjaa, suliffissaqanngitsormi suliffeqarfiup aningaasarsiorneranut akuuvoq, tasanili suliffissaaleqisup pisariaqartissinnaasaanik eqaannersumik pissuseqarsinnaaneq inissaqartinneqarpoq.

Naalakkersuisut 2018-imi februaarimi suliffeqarfiit unammilleqatigiinneq tunngavigalugu ingerlatsisut, sinneqartoorutiminnilli sanngiinnerusunut suliffissanik pilersitsinermik atuisartut pillugit oqallitsitsinermik suliniuteqarput. Suliffeqarfinnut unammilleqatigiinneq tunngavigalugu ingerlatsisunut, sinneqartoorutiminnilli sanngiinnerusunut suliffissanik pilersitsinermik atuisartunut inatsisitigut sinaakkutissanik pilersitsiniarnerusut kiisalu suliffeqarfinnik unammilleqatigiinneq tunngavigalugu ingerlatsisunik, sinneqartoorutiminnilli sanngiinnerusunut suliffissanik pilersitsinermik atuisartunik siuarsaaniarluni suliniutinik allanik eqqarsaatersortoqarnerusooq tusassallugu soqutiginarpoq.

Apeqqutima ullut qulit ingerlaneranni akineqarnissaat qinnutigaara.